



KOMUNIKADO PA PRENSA

Fecha

10/9/2014

Manager di Komunikashon

Jhanirha Da Costa Gomez- Anita

Adrès elektróniko

jhanirha.anita@gobiernu.cw

MINISTER BALBORDA TA HASI APERTURA DI PROYEKTONAN 'KLEIN BUDGET'

Willemstad –Minister Balborda di Ministerio di Tráfiko, Transporte i Planifikashon Urbano, Sr. Earl Balborda a hasi apertura ofisial di Proyecto 'Klein Budget' di Servisio pa Obra Públiko, pa medio di un presentashon den e auditorio di Selikor.

E proyekto aki ta enserá trabounan chikitu, manera entre otro ponementu i drechamentu di vangrail, bushaltes, bòrchinan di tráfiko, i tambe fèrfmentu i limpiamentu di alsera. E trabounan aki ta di kosto abou i tin komo meta pa alsa kalidat di nos infrastruktura i hasi esaki mas seif.

Durante di e apertura, Minister Balborda a indiká ku, pa e proyekto aki, ta repartí Kòrsou den 20 área. Kada un área ta bai kai bou di responsabilidad di un kontratista i e kontratista aki mester sòru di hasi e trabounan chikitu den e área asigná na dje. Tin un total pues di 20 kontratista chikitu ku ta risibí enkargo pa hasi e trabounan.

Di e forma aki Minister Balborda ta kòrda tambe riba e kontratistanan mas chikitu pa asina nan tambe bini na remarke pa traha sierto trabounan i haña un entrada.

E sistema di repartishon aki ta pa por garantisá 1) ehekushon efektivo i rápido di e proyekto, i 2) repartishon di trabou bou di kontratistanan pa stimulá nos ekonomia. Minister Balborda, Servisio pa Obra Públiko huntu ku kontratistanan ta bai pone man na obra pa logra e metanan stipulá.

Proyekto 'Klein Budget' ta kuminsá inmediatamente i ta plania pa dura te ku yanüari 2015.

Durante di ehekushon di e trabounan, lo tin kamindanan ku mester desviá tráfiko. Servisio pa Obra Públiko huntu ku Departamentu di Tráfiko di Polis ta sòru pa indikashonnan nesesario pa ruta temporal. Ta pidi un i tur pa kore ku koutela pa asina garantisá un tráfiko sigur i tambe seguridat di e trahadónan ku ta traha.

Minister Balborda ta pidi komunidad pa nan kompreshon i koperashon durante di e trabounan aki. Esaki ta un proyekto mas di Minister Balborda pa mehorá nos infrastruktura i alabes stimulá nos desaroyo.